

Assimilum, ac meritissimum P. Brancatium in Epitom. Sacror. Canon. in Verbis quauilibet Religionum proprijs suis locis. vt Verb. Monachi Cassinenses, Camaldulenses, Carthusiani, Cistercienses, & sic de Reliquis. Item Verb. Fratres Mendicantes, &c.

33 Aliud vicariorum genus est illud, quod appellatur monialium; in monasteriis enim illarum solent constitui quaedam moniales antiquiores in vicarias, seu Praefectas superiores, siue in Abbatissas, quarum electiones fieri debent per secreta suffragia, & vota, & nomina eligentium publicari non possunt, alias electio est nulla, & electa est inhabilis ad alia officia, vt habetur in Concil. Trid. sess. 23. de regularib. cap. 6. cuius electionis Praxim habes infra. tom. 2. par. 3. Praef. 16.

34 Est tamen obseruandum, quod si huiusmodi vicariarum, & aliarum superiorum monasteriorum electio per ordinationes, & constitutiones monasterii, spectet ad Abbatissas, & Discretas, & ad Episcopum pertineat tantum illas confirmare, ita seruari debet; nec Episcopus aliud pretendere potest vt declarauit Sac. Cōgr. Episc. & Regular. in vna Lamacen. 26. Octobris ann. 1604.

35 Obseruandum est praeterea, quod vicariae, Praefectae, & aliae superiores monasteriorum monialium non possunt durare, ultra tres annos, & postea vacant officio, vt de Abbatissis, & alijs Italiae Praefectis

disponitur in constit. 80. Gregor. XIII. & in Concil. Mediolanen. 1. p. 3. tit. de Praefectis & c. monialium. Per istam tamen Gregor. XIII. constitutionem, neque per aliam alterius Pontificis, non prohibetur, ne possit eligi vicaria, quae triennio immediate praecedenti fuit Abbatissa; dummodo eadem vicaria non sit prima Superiorissa monasterii, sed substituta Abbatissae pro tempore existenti, vel alteri Superiorissae. Ead. Congregat. in vna Cremonen. 28. Iulij. 1628. & alia 22. Septembris eod. ann. Nisi in monasterio adesset contraria consuetudo.

36 Obseruandum tandem, quod huiusmodi vicariae deputatio fit etiam, quando in aliquo monasterio, ob malum alius cuius Abbatissae regimen succedunt in convenientia; & tunc eligitur aliqua ex monialibus senioribus, ac monasticae disciplinae zelantioribus; sine cuius participatione, & consensu Abbatissa nihil possit facere, & decernere. vt declarauit Ead. Congregat. in vna Montisrealis. 9. Nouembris 1629.

Et haec pauca dixisse sufficiat in materiae omnis generis Vicariorum, veluti Prolegomena, & viam sternentia ad proprium institutum Praxis. Ad quam in alijs sequentibus Partibus opportunè tradendam gradum facimus.

Ad Laudem, & Gloriam Omnipotentis Dei Beataeque Virginis MARIAE & Omnium Sanctorum.

FINIS PRIMAE PARTIS.

In Conceptione Tua Virgo Immaculata Fuiſti.
Ora Pro Nobis Patrem, Cuius Filium Peperisti.



PRAXIS

PRAXIS VICARIORVM CAROLI PELLEGRINI CASTRIVILLARENSIS PARS SECVNDA

In qua traditur methodus formandi Processus ciuiles in
vtrouque foro, tū Ecclesiastico: tū Sæculari; ad
formam Iuris communis; necnon municipalis Regni Neapolitani.

Cum obseruationibus Sacrorum Canonum, legum, & Doctorum.
Formulas insuper totius ordinis iudiciarij
fusè complectens.

Iudicibus, Aduocatis, & Causidicis omnibus,
etiam Laicis perutilis, ac necessaria.

